

PWYLLGOR: BWRDD PENSIWN

DYDDIAD: 9 CHWEFROR 2026

TEITL: CYLLIDEB 2026/27

PWRPAS: I nodi cyllideb ar gyfer y flwyddyn ariannol 2026/27 ar gyfer yr Uned Gweinyddu Pensiynau a'r Uned Buddsoddi.

ARGYMHELLIAD: NODI'R GYLLIDEB

AWDUR: DELYTH JONES-THOMAS, RHEOLWR BUDDSODDI

1. CYFLWYNIAD

- 1.1 Pwrpas yr adroddiad hwn yw cyflwyno cyllideb 2026/27 ar gyfer yr Uned Gweinyddu Pensiynau a'r Uned Buddsoddi.
- 1.2 Mae'r gyllideb yma yn cael ei ystyried gan y Pwyllgor Pensiynau yn eu cyfarfod ar 9fed o Chwefror 2026 am 10yb.

2. UNED GWEINYDDU PENSIYNAU

	Terfynol 2025/26 £	Chwyddiant £	Addasiadau £	Cyllideb 2026/27 £
Gweithwyr	1,024,730	33,400	(1,380)	1,056,750
Costau teithio a chynhaliaeth	1,440	0	1,000	2,440
Cyflenwadau a Gwasanaethau	304,180	9,180	185,500	498,860
Gwasanaethau Canolog	138,810	4,160	0	142,970
Cyfanswm	1,469,160	46,740	185,120	1,701,020

2.1 Gweithwyr, costau teithio a chynhaliaeth

Mae'r gyllideb ar gyfer yr adain yma'n cynnwys 23 swydd llawn amser (4 ohonynt yn swyddi dros dro) a 2 swydd rhan amser.

2.2 Cyflenwadau a Gwasanaethau

Mae'r gyllideb yma'n cynnwys costau argraffu, defnyddiau swyddfa a chostau meddalwedd.

Mae'r gyllideb ar gyfer yr elfennau wedi cynyddu dros y blynyddoedd diwethaf oherwydd y cynnydd yn nghostau postio llythyrau a osodwyd gan y gwasanaethau post. Er ein bod wedi ceisio cynyddu'r defnydd o'n porth ar-lein i anfon dogfennau'n electronig ac i leihau faint o eitemau sy'n cael eu hanfon drwy'r post, mae'r costau postio wedi parhau i gynyddu. Byddwn yn parhau i gynyddu'r defnydd o gyfathrebu electronig yn ystod 2026/27 ac yn y blynyddoedd i ddod.

Gofynnir i gynyddu'r gyllideb yma yn barhaol. Mae hyn yn bennaf oherwydd bod angen i'r Gronfa brynu elfennau ychwanegol o fewn meddalwedd presennol, megis ISP ar gyfer y Dashfwrdd Pensiynau a ffioedd datblygu ar gyfer y datrysiad McCloud.

2.3 Gwasanaethau Canolog

Mae'r gwasanaethau canolog yn cynnwys elfen o gostau y Pennaeth Cyllid a'i staff ategol, a chefnogaeth gan wasanaethau'r Cyngor megis technoleg gwybodaeth, corfforaethol a chyfreithiol.

3. UNED BUDDSODDI

	Terfynol 2025/26 £	Chwyddiant £	Addasiad £	Cyllideb 2026/27 £
Gweithwyr	138,870	4,330	(7,970)	140,800

3.1 Gweithwyr

Mae'r adain yma wedi'i leoli o fewn y brif uned Cyllid Canolog, felly dim ond elfen o'r swyddi a ariennir gan y Gronfa Bensiwn.

Ceir 3 swydd llawn amser yn yr uned gydag amser y swyddogion wedi'i rannu rhwng Cronfa Bensiwn Gwynedd a Chyngor Gwynedd. Ariennir y canrannau canlynol o'r swyddi gan y Gronfa Bensiwn:

- Rheolwr Buddsoddi (90%)
- Swyddog Pensiynau a Buddsoddiadau (85%)
- Cyfrifydd Cynorthwyol Pensiynau a Rheolaeth Trysorlys (40%)

4. COSTAU PARTNERIAETH PENSIWN CYMRU, RHEOLWYR BUDDSODDI AC YMGYNGHORWYR

- 4.1 Nid oes cyllideb yn cael ei osod ar y pwynt yma gan fod y gwariant yn newidiol, ond mae'r gwariant yn cael ei adrodd yn llawn o fewn y cyfrifon terfynol ac Adroddiad Blynyddol y Gronfa.

5. ADDAS I'R DYFODOL

- 5.1 Yn unol â'r rheoliadau 'Addas i'r Dyfodol', bydd gofyniad statudol i benodi Uwch Swyddog CPLIL erbyn 1 Hydref 2026. Bydd gan y rôl newydd gyfrifoldebau sylweddol mewn perthynas â llywodraethu'r cynllun, cydymffurfiaeth, a goruchwyliaeth.

Yn ogystal â hyn, disgwylir i'r cynnydd parhaus mewn gofynion llywodraethu a'r angen i ddarparu hyfforddiant uwch i swyddogion a chynrychiolwyr y Pwyllgor a Bwrdd greu galw ychwanegol ar adnoddau staffio. O ganlyniad, rhagwelir y bydd costau staffio'n cynyddu yn ystod blwyddyn ariannol 2026/27 er mwyn sicrhau bod y Gronfa'n gallu cyflawni'r ymrwymadau hyn yn effeithiol ac yn cynnal cydymffurfiaeth â safonau rheoleiddiol.

Bydd manylion pellach ar effaith uniongyrchol y gofynion hyn, gan gynnwys cwmpasu rôl yr Uwch Swyddog CPLIL a goblygiadau adnoddau cysylltiedig, yn cael eu darparu i'r Bwrdd wrth i ragor o wybodaeth ddod ar gael. Bydd diweddariadau rheolaidd yn cael eu rhannu er mwyn sicrhau tryloywder ac i gefnogi gwneud penderfyniadau gwybodus mewn perthynas â chynllunio'r gyllideb.

6. ARGYMHELLIAD

- 6.1 Gofynnir i'r Bwrdd nodi cyllideb yr Uned Gweinyddu Pensiynau a'r Uned Buddsoddi ar gyfer y flwyddyn ariannol 2026/27.